

## 陈真人传

真人姓陈名世贤荣芳其字也父有仁母戴氏世居浏北横塘里雍正七年八月十五日生性纯孝善读书幼孤而贫故艺取资养母先意承志人皆孝之真人曰孝何敢言不过遇食不忘母服劳不惜身而已遇酒肉必辞曰吾今日茹素以是日无酒肉奉母也若预备酒肉于家则食之母卒乃茹素或荤之真人曰生无以隆膳养歿无以致丰祀母恩未报故茹素也未幾迁居南市街数年乃里糧访道遍历名山抵武当山枕行李卧于庙门外或醒之曰君有仙骨浏东祖师岩胜境也可修真焉真人曰途遥资少旁一人曰真心向道有真武纯阳二祖师相引无虞也遂反里以其事语罗君同抵是岩罗饑而返真人送之曰知汝不能脱烟火气也乾隆三十八年冬坐化

于岩年四十六岁也初真武祖师入此岩修真后抵武当成道士人故以祖师名是岩也岩之上峯入云端岩之下壁立萬仞岩之中晴霞掩映泉水流清盖洞天福地云真人形骸不朽多历年所其外姪某岁往省之嘉庆中年有疯癲者抵其岩归而愈乡人神之患病者往祷辄驗遂就其岩庙祀之嗣是旱潦災厄叩之则已咸丰初年粤匪屡犯浏界官營团勇严守之真人或示旌游於隘或醒士卒於營屡救竊營之难而湘省无恙中丞骆秉章廉其事闻于朝勅封昭显真人又濂居近横塘其事母之孝茹素之由嘉道时父老猶有目而见之者因浏志所载不无異词故为之立传以徵其实事云

附貢生屈又濂謹识